



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic
Road Directorate

Broj: 04-11-35532/26
Sarajevo, 31.07.2026. godine

Na osnovu člana 14. stav (4), člana 17. stav (3) i stav (4), člana 18. stav (1), člana 24. stav (1) tačka a) i člana 28. Zakona o javnim nabavkama („Službeni glasnik BiH“, br. 39/14, 59/22 i 50/24) te Zahtjeva za pokretanje postupka javne nabavke Odjeljenja za studije, projektovanje, rekonstrukciju i izgradnju puteva i objekata, a u skladu sa ukazanom potrebom, direktor Direkcije za puteve Kantona Sarajevo donosi

POSEBNU ODLUKU

o pokretanju postupka javne nabavke

NEPREDVIĐENI RADOVI NA PROJEKTU SANACIJE DIJELA ULICE NIKOLE ŠOPA SA IZGRADNJOM NEDOSTAJUĆE PJEŠAČKE STAZE KOD KŠC, OPĆINA ILIDŽA

I. PREDMET NABAVKE

Ugovorni organ, u skladu sa ukazanom potrebom, pokreće postupak javne nabavke za nabavku radova: „Nepredviđeni radovi na projektu sanacije dijela ulice Nikole Šopa sa izgradnjom nedostajuće pješačke staze kod KŠC, Općina Ilidža“, JRJN: 45233120-6 (Građevinski radovi na cesti).

II. BUDŽET I RASPOLOŽIVOST NOVČANIH SREDSTAVA

U Budžetu Kantona Sarajevo su predviđena sredstva za predmetnu nabavku, budžetska pozicija 821600 EBX 035.

III. PROCIJENJENA VRIJEDNOST

Procijenjena vrijednost za javnu nabavku iz člana I. ove posebne odluke je 19.469,47 KM bez PDV-a.

IV. VRSTA POSTUPKA

Ugovorni organ će dodijeliti ugovor putem pregovaračkog postupka bez objave obavještenja.

Postupak će se provesti sa jednim ponuđačem, uz poštivanje principa Zakona o javnim nabavkama, i to sa ponuđačem BETON FRESH d.o.o. Sarajevo, odnosno izvođačem radova po osnovu UGOVORA za radove SANACIJA DIJELA ULICE NIKOLE ŠOPA SA IZGRADNJOM NEDOSTAJUĆE PJEŠAČKE STAZE KOD KŠC, OPĆINA ILIDŽA od dana 19.11.2025. godine, a u vezi s čijim izvršenjem je nastala potreba za dodatnim radovima.

Zaključit će se ugovor za radove sa rokom za izvršenje posla od 20 (dvadeset) kalendarskih dana.

Datum pokretanja postupka je 31. juli 2026. godine.



Adresa: Hamida Dizdara 1, 71 000 Sarajevo
Tel:+387(0)33 560-402, Fax:+387(0)33 560-426
Web: <http://ms.ks.gov.ba>, E-mail: dp@dp.ks.gov.ba

V. KRITERIJ ZA DODJELU UGOVORA

Kriterij za dodjelu ugovora je najniža cijena.

VI. KOMISIJA ZA NABAVKU

Za provođenje postupka javne nabavke, otvaranje i ocjenu zahtjeva za učešće/ponude sačinjit će komisija koja će se imenovati odlukom ili rješenjem.

Sastav i djelokrug rada Komisije za nabavku utvrdit će se odlukom ili rješenjem, a u skladu sa zakonom i podzakonskim aktima.

VII. OSNOV ZA NABAVKU I SASTAVNI DIJELOVI

Postupak javne nabavke provest će se u skladu sa Zakonom o javnim nabavkama, podzakonskim i internim aktima te Zahtjevom za pokretanje postupka javne nabavke Odjeljenja za studije, projektovanje, rekonstrukciju i izgradnju puteva i objekata.

Sastavni dio ove posebne odluke je Zahtjev za pokretanje postupka javne nabavke Odjeljenja za studije, projektovanje, rekonstrukciju i izgradnju puteva i objekata sa prilogima.

VIII. STUPANJE NA SNAGU

Ova posebna odluka stupa na snagu danom donošenja.

OBRAZLOŽENJE

Dodatni radovi su nastali u vezi sa izvršenjem UGOVORA za radove SANACIJA DIJELA ULICE NIKOLE ŠOPA SA IZGRADNJOM NEDOSTAJUĆE PJEŠAČKE STAZE KOD KŠC, OPĆINA ILIDŽA od dana 19.11.2025. godine, vrijednost ugovora: 200.000,22 KM bez PDV-a, zaključenog između Direkcije za puteve Kantona Sarajevo i ponuđača Beton Fresh doo Sarajevo, kao izvođača radova (u nastavku „Ugovor“).

Prilikom izvođenja radova na projektu sanacije dijela ulice Nikole Šopa sa izgradnjom nedostajuće pješačke staze kod KŠC, općina Ilidža ukazala se potreba za dodatnim nepredviđenim radovima.

Naime, izvođač je za izvođenje radova na raspolaganju imao projektnu dokumentaciju i katastar podzemnih instalacije. Prilikom vršenja radova iskopa rova za ugradnju elemenata odvodnje, tj. slivničkih kaca prema projektu, naišli su na vodovodne cijevi promjera cca 20 cm koje nisu bile ucrtane u katastru podzemnih instalacije prilikom čega su iste oštećene. Izvođač je pozvao predstavnike KJKP VIK te isu isti došli i izvršili sanaciju predmetnog oštećenja i obilježavanje trase te vodovodne cijevi. Cijev se pruža skoro cijelom dužinom uz novoprojektovani ivičnjak (oko 200m) te onemogućava ugradnju slivnika prema projektu. Obzirom da je projektant vršio izradu projektno rješenja i pozicioniranje slivnika u skladu sa raspoloživim podacima iz katastra podzemnih instalacije, projektno rješenje odvodnje je cijelom dužinom u koliziji sa novopronađenom cijevi, odnosno ne može se izvršiti ugradnja slivnika.

Kako bi se problem riješio na raspolaganju su bile dvije mogućnosti, jedna je izmještanje sporne vodovodne cijevi na drugu lokaciju, a druga, alternativna, je izmjena projektnog rješenja odvodnje i uklapanje na novopostojeće stanje.



Adresa: Hamida Dizdara 1, 71 000 Sarajevo
Tel:+387(0)33 560-402, Fax:+387(0)33 560-426
Web: <http://ms.ks.gov.ba>, E-mail: dp@dp.ks.gov.ba

Obzirom da je trajnije i bolje rješenje bilo izmještanje cijevi u saradnji sa Općinom Ilidža pristupilo se analizi mogućnosti toga. Shodno tome kontaktiranje KJKP ViK d.o.o. Sarajevo te su njihovi predstavnici izlazili na teren, utvrdilo se činjenično stanje i napravilo projektno rješenje izmještanja te cijevi u kompletnoj dužini. Istraživanjem tržišta utvrđeno je da bi cijena tog izmještanja okvirno koštala oko 102.000,00 KM, odnosno radi se o značajnom iznosu. Obzirom da KJKP ViK ne raspolaže sredstvima koja bi usmjerio za tu namjenu razmatrano je sufinansiranje sa Općinom Ilidža, međutim ni to nije bilo izvodljivo u kratkom roku.

Obzirom da se radi o otvorenom gradilištu sa saobraćajem od oko 6.500 vozila dnevno na tom dijelu ceste, da se uz cestu nalaze mnogobrojni objektni komercijalne prirode, škola i crkva za izraženom frekvencijom pješaka i djece, gradilište se jako negativno odražava na život i zdravlje ljudi na tom dijelu, te je radove potrebno pod hitno završavati radove. Shodno tome, pristupilo se alternativnom rješenju, odnosno izmjeni i prilagodbi projektnog rješenja odvodnje novonastaloj situaciji. Novo projektno rješenje podrazumjeva ugradnju linijskih rešetki sa revizijama i spajanje istih direktno na kolektor odvodnje, a rešetke će se ugrađivati iznad postojeće vodovodne cijevi. Kako bi se spriječio mogući prodor oborinske kanalizacije u vodovodne cijevi, na mjestima ugradnje linijskih rešetki iznad vodovodnih cijevi vršiti će se zaštita odnosno oblaganje cijevi armiranim betonom. Sa projektnim rješenjem je saglasan projektant i predstavnici Općine, te je te radove potrebno pod hitno ugovoriti kako bi se isti mogli završiti čime bi se stekli uslovi na nastavak izvođenja već ugovorenih radova prema predmetnom ugovoru.

Uzimajući u obzir da se gore navedeni radovi ne mogu tehnički odvojiti od osnovnog ugovora, potrebno je u što kraćem roku provesti postupak javne nabavke za dodatne/nepredviđene radove koji su nepohodni za izvođenje kako bi se projekat stručno i tehnički ispravno realizovao do kraja.

Odjeljenja za studije, projektovanje, rekonstrukciju i izgradnju puteva i objekata podnijelo Zahtjev za pokretanje postupka javne nabavke radova za: „Nepredviđeni radovi na projektu sanacije dijela ulice Nikole Šopa sa izgradnjom nedostajuće pješačke staze kod KŠC, Općina Ilidža“.

Podnosilac zahtjeva je podnio dokaz o izvršenom istraživanju tržišta.

Predmet nabavke nije podijeljen na lotove iz razloga što ne postoji ekonomska opravdanost, odnosno što bi podjela na lotove bila nesvrshishodna.

U postupku po Zahtjevu za pokretanje postupka javne nabavke i njegovim priložima, utvrđeno je da je isti osnovan i da sadrži sve potrebne elemente za odlučivanje.

Pri donošenju ove posebne odluke, ugovorni organ se posebno rukovodio činjenicom da je predložena nabavka neophodna, da je realno procijenjena vrijednost predmeta nabavke na tržištu i da su osigurana sredstva za isplatu.

Posebna odluka o pokretanju javne nabavke je donesena jer predmetni postupak nabavke nije obuhvaćen Planom javnih nabavki za 2026. godinu. Naime, u postupku donošenja Plana javnih nabavki za 2026. godinu nije bilo moguće predvidjeti potrebu za izvođenjem nepredviđenih radova koji su predmet ove javne nabavke. Obzirom da su predmet nabavke upravo dodatni radovi koji se nisu mogli predvidjeti, te da svako odlaganje njihovog izvršenja dovodi do negativnih posljedica i za ugovorni organ i za izvođača radova, a u konačnici i za javni interes, to se pristupilo primjeni odredbe člana 17 stav (3) Zakona o javnim nabavkama.



Adresa: Hamida Dizdara 1, 71 000 Sarajevo
Tel:+387(0)33 560-402, Fax:+387(0)33 560-426
Web: <http://ms.ks.gov.ba>, E-mail: dp@dp.ks.gov.ba

Na osnovu utvrđenog činjeničnog stanja, odlučeno je kao u članu I. ove posebne odluke.

Dostaviti:

- evidencija
- za objavu na web stranicu i registar
- a/a



DIREKTOR



Selmir Kovač, dipl. ing. saob.